

孫淵如詩文集

928
y
7



濟上停雲集一卷

芳茂山人詩錄第四

自歷下之官兗州道中卽事

驄馬紅旌靜不喧
玉京回首憶高寒
三齊名士爭投刺
一路青山送到官
使者車單如客過
聖人家近借書看
時清不用矜風節
慚媿儒冠換豸冠

次韻

趙懷玉

衡門雪後少塵喧
有客書來正歲寒
行部又添新得句
趨庭卻喜乍遷官
桑經注好關心讀
魯國山多放眼看作宦
盡如君快意爭教人
不想彈冠

韓對

姓氏

天題墨未乾
點煙杯水迴
生寒得觀海

處皆奇境能讀書人是好官魯國諸生門下列嶧
山傳刻馬頭看遙知兵衛森嚴地猶戴峩峩子夏
冠

王復

排來畫戟淨浮喧驛路陽和未戒寒持節行吟瞻
闕里望塵伏謁笑卑官繡衣喜溢庭前舞書尺多
頻帳下看海內才人齊仰首一時爭望進賢冠

次韻荅阮芸臺學使同年元東招卽往歷下之
什

芙蓉池館報花開驛騎傳詩一夕催不爲時需訪碑
使元時設此官也應天與聚星來

原作

阮元

濟南亭館傍湖開湖上西風且漫催萬朵荷花五
名士一時齊望使君來

次韻

吳錫麒

濟南名士燕頻開蓮子湖頭信屢催此去更應清
到骨鵲華秋色馬頭來

張問陶

花底長筵次第開匆匆驪唱莫相催樽前讀畫先
搔首何日明湖載酒來

伊秉綬

車騎東都祖帳開明湖簫管繞城催一從杜老題

詩後名士皆趨厯下來

曾傳臚唱五雲開
暫別仙班使節催
相送好拈韓子韻
祝君成政更歸來
昌黎送鄭尚書之嶺南節度序云韻皆以來字者祝君之成政而來歸也

方體

千年伏鄭面重開
時君按馬鄭湖上古文尚書
上名流讌集催絳帳
笙歌休散歇使君
今抱壁書來

余鵬年

讀畫捫碑生面開
詩成不要鉢頻催
鐵公祠裏吟風葉
送到欄前作雨來

十月十一日巡視曹單河防作

平沙風緊射征裘
近臘冰漸尚急流
兩戒忽分南北毫
一抔須障兗徐州
居民儉歲輸薪束
候吏寒更報水郵
龍節一雙來澤國
可能當食不紆籌
時兼署山東通省運道

乙卯歲小春下旬隨李河帥
奉翰乘廠舟巡工

沛上是日風寒歸後蒙惠海龍裘賦謝

重臣督濬屏前騶
直似乘槎下斗牛
民俗共欣瞻露冕
衙官也許上仙舟
較量碩望三門柱
比例詞源萬

里流好繼謝公傳
七埭年年春水送
千艘謝公七埭事見水經

注疑今臺莊以此名埭音相近

戟門披得翠雲歸
似此知音自古稀
什襲未應輕換

酒提攜只覺媿傳衣重來東閣春風暖此去南湖朔
雪飛時往南湖一帶一日拜恩逾挾纈願推公惠
到民依

嘉平望日自沛上回兗州是夕大雪

四番雪澤逐征車余至臺莊南旺魚臺歸夢欣然對

酒罏他日飛蝗寧入界明年春水早生湖七湖濟運

泉澤旺鋪張東閣開詩境粧點南樓作畫圖孤負登臨

好光景朔風向曉又長途

正月十一日同黃小松司馬易至嘉祥山中訪

武梁石室畫象小松作圖紀遊

石室千年爲爾開翠微訪古共徘徊高寒到骨清如

許卻喜無人帶熱來

一雙石闕半埋塵萬樹桃花孰問津只有姓名先我

到前年司馬重葺武氏祠立碑題碑陰摩挲疑是再來身

把臂梁園近十年雪鴻忽聚此山前畫圖他日傳佳

話金石交情翰墨緣

春日行部曹南道中卽事

千株楊柳萬株花想見春山綠到家不是羽書鳴驛

騎一宵魂夢在煙霞

廢舍匆匆去恐遲廉車心跡有誰知褰帷一樣看春

色不及江湖跌宕時

斷獄方與歸沛上道中口占

林臯風景似南徐霧濕紅旌日上初雀角未消還廢
舍雪霏何事又隨車前到臺莊截抄閩督貲財關心
荷澤分流水獨山湖即古荷澤著手桑經一卷書旅食匆匆
辭授粲尚慚肘後露金魚

次韻

周雋

乘驄踏雪往來徐知是甘棠輟訟初折獄已持金
作鏡飛花便屬雨隨車胸無世上難平事腹有人
間未見書樸學媿教叨共載豈應同隊說龍魚

呈謝玉中丞德賜題先文介公殿試策二律次
韻

萬言射策掇科名題品今逢一代英魯國衙官欣立

雪

舊官西曹時
公爲舉主

蘭陵家學媿登瀛元戎小駐旌旗肅

東閣閒情筆硯精文字倍增風節重清時大雅屬公
卿

冰壺水鏡比身名戴斗才華壓國英愛日再來升岱
觀潤河千里到滄瀛白雲私幸傳衣久華袞全憑論
史精好把驪珠勒圓石幽光隔代慰邠卿

金鄉城西北訪漢扶溝侯朱鮪石室

東緡城北古邱橫誰把桑經問九京清興忽來捫碧
蘚野人相聚看紅旌扶溝功在名灰冷荷水流枯路
砥平幾度滄桑畱片石羊公一過不勝情

和袁太史枚除夕告存詩

仙才絕代要傳衣，卻怪蟲魚著述非。來書試考據以爲雕蟲自累
天遣先生長住世，詩壇贏得替人稀。

題南樓卻扇圖贈吳山尊妹婿嘉

廣樂聲中翠燭然，荆釵出拜畫堂前。料量嫁事分清俸，不抵長安賣賦錢。

一夕爭傳蕭史來，婿鄉難得有仙才。他年泗上尋遺蹟，便指南樓作鳳臺。杜甫南樓在兖州府城內

筆 涉上春波處處生，送君千里到蓬瀛。畫眉莫費凌雲筆，天子臨軒問長卿。

詔予監司言事恭賦一首

丹詔求言新令甲，監司封事舊章程。神羊一角猶能

觸大鳥，三年已不鳴。方鎮儘知民疾苦，書生莫市直聲名。他時攬轡腳踏甚，何策經時荅聖明。

曹南督送赴楚官兵寄畢制府沅

一篇墨守寫辛勤，手署頭銜上制軍。作宦未深思入幕，在公幕談兵漸慣當論文。蕭蕭車馬辭曹渡漠漠，府八年

雲山望楚氛也似西師埽回鶻，番回蠢動時隨公在關中盼公投筆樹功勳。

荅馬秋藥同年履泰比部時主講樂源書院將入都補官

愿下相逢酒共傾，忽聞北去曳心旌。螭頭謁帝

同時入比部以第九名雞舌趨朝作隊行，子與比部同時

補西曹又進士改庶吉士未必官清逾客況，怕逢人說剝才名。五龍

潭上聯吟處他日愁來數落英

予在感下屢與諸名士會于五龍潭精舍

原作

馬履泰

才人愛慕學人傾同望
稽稽使者旌公著自能無
滯事李諧何害作徐行
埽除稅政聊攻媿刊盡奇
書嬾挂名我欲還朝誇
向客國家科第與豪英

感事

看人華屋已成墟笑我青山未結廬
西第頌多惟裏足南華事僻請焚書
折腰誤欲煩彭澤長揖終應聽本初
卻愧澄清虛志願芳蘭當路有人鋤

魏比部

成憲

奉使江南過境不晤作詩見懷次

韻奉荅

同寮猶恨隔曹司況是臨岐悵望時
天上使星虛候氣江南驛騎早傳詩
尊鱸一水鄉心動雲鳥遺封故跡奇
東閣朝朝懸榻在好攜紅豆慰相思

原作

魏成憲

臚雲況是白雲司膚寸成霖及此時
近聖人居觀習禮多名士地愛論詩
酈元注裏春行部君按部以水經
注自隨時倉頡圖中昨問奇君屬兩峯山人
有考證昔人傾蓋處折疏麻更寄遙思

聽鶯圖為恩觀察作

碧草成茵柳似絲一雙鶯立最高枝
使君別有關心

處試問春耕已及時

柳浪和聲趁曉風湖山清福比蘇公雙柑斗酒民同
樂春在褰帷一笑中

春來舊雨話煙霄似為嚶聲埽逕邀回首 上林

聞百轉白雲仙侶共趨朝觀察昔為比部同僚

春及草堂看牡丹

款門兩度入芳筵煮茗清談屏管絃笋味脆供微醉
客花光濃照半陰天閒中世事拋身外樂處禪機在

眼前座中潘太史好禪回首曹南春似海萬叢不及一枝妍

去年試土曹郡值牡丹盛開

登第一樓東阮中丞元

曲苑夫容放欲齊蘇隄柳絮已停飛迴瞻玉宇千門

近樓在宮東畔行平望吳山萬仞低高處元龍時獨立上

頭崔灑看誰題他年想像平津館第一風流數浙西

題張徵君池上草堂畫幀

敬亭深與宛溪通招隱還留桂一叢拋却匡山讀書
處人家池上看芙蓉

朝端此日下蒲輪嶺上何人贈白雲我亦青谿新結

宅北山莫漫有移文

題西谿訪梅圖

萬頃蘆溪記昔遊夕陽無際雪光浮春風不遞梅花

信旅客空乘瓠子舟有約名山誰獨往相逢勝侶是

清流姚黃魏紫曹南譜不抵寒香一樹雷

為金雲莊比部

德輿

題李憲吉明經旦華遺影

畫裏相看有宿緣一編詩翰最翩翩可憐當日人琴

痛恰是顏回髮白年

李君廿九而卒

山陽聞笛共聲吞風義知君夙昔敦我到西湖痛師

友一尋宿草一招魂

時謁盧抱經學士墓及訪汪容甫葛嶺園死處

遊湖上玉泉靈隱寺及紫雲金鼓諸洞口占卽

事東宋助教

大樽

素食荒村病舉樽木絲衣重始知春晴天高鳥寧依
樹清水遊魚不畏人如此湖山纔放棹曾拋身命去
埋輪得逢宋玉忘岐路處處仙源好問津

暄和風日趁幽尋卻屏肩輿步翠岑山面向人常變
幻洞門終古自深沈杜鵑花放驚芳節鷗鳥情多戀
故林歸路松濤一時發也應天籟為知音

湖上看牡丹

春光濃入野人家曳杖閒遊日易斜滿地繁紅正零
亂牡丹只放二分花

阮中丞五月十二日招同程易疇瑤田段懋堂

玉裁 第一樓雅集

神仙同上李膺舟為我登臨屏八駟積雨中閒晴一
日平湖寬處坐層樓漢唐絕業千秋定吳越才人四
座收曠代知音數巡酒臨岐爭忍不淹畱

贈阿臬使

禮布

五年契闊忽升堂
邗水相逢憶去航
秋憲再新衣上
繡春風未著鬢
邊霜曾栽東國棠
千樹只飲西湖水
一觴交似醇醪言
似玉臨岐此意肯
相忘
多時經席此因依
一路苔岑聚亦稀
交到袁絲論惆
儻情如平子契元
微盼公江國仍持
節老我名山再
拂衣此去經時迂
闊甚閒雲不稱九
霄飛

將抵金陵道中口占

漸江千里忽思親
五日輕舟抵
風信喜同潮信
順客囊知比宦囊
貧書求多積慚廉
吏山不成遊似
俗人欲撫祥琴最
惆悵草堂畱我可
經春

贈洪太史

亮吉

秉燭論心已有期
尊前霜鬢認依稀
我驚駒隙三年
速君自龍沙萬里
歸折檻風流成盛
節埋輪心事有
危機不知此後方
元白可仗文章定
是非
君前詩有
七年我亦
長微之之句又云
江州司馬
通州俸料理頭銜
似昔時

題許秋巖太守

兆椿

畫幀

成陰楊柳是誰栽
池上夫容趁曉開
已製新紈驅溽
暑清風況有故人來

嘉會燕臺瞥眼過
都官回首憶鑿坡
雲龍剩我隨東

野十九人中聚散多
昔官秋曹燕集都堂中曾入翰
林者十九人今少司寇祖舫齋

前鴻臚卿項豫齋諸人皆
預其列欲作白雲蓬島圖

爽鳩威望鶴形儀萬頃胷中未可窺我亦蒼生瞻露
冕每披圖書當褰帷

聞道 中朝憶傅巖政成霖雨在閭閻對君便寫松
千尺尚恐丰裁未若髯

贈鈕大樹玉

鈕生士而賈游歷齊魯閒手持江子書訪我逾數年
我時往河滸備兵曹濮邊時督兵防曹單交界發書意想望會
合非徒然竭來吳東門把臂開心顏贈我中都志祖
德在舊編僕家本鳳陽遇我於里門醉我客舫聯出觀所
著書指斥新附篇說經何硜硜腹笥殊便便二徐趙
宦光芒如隔霧煙我先窮篆籀同志段與錢段懋堂玉裁錢

獻之思作石經稿追仿三代前秦邈徒隸書附正體

變遷僕嘗作石經彙列篆隸正三體古俗互証必求依據少溫筆雖工六義多

乖愆何以餉後儒鴻都寫千言勤拳鈕生意箴砭俗

識偏說文非僻書大哉 帝命宣時有請禁說文不宜用之制義

者非僻書之論下士有賈心挾冊思夤緣贊郎皆

賈人賄賂通上官誰能貢奇士撰述朝章傳長揖莫

釐峯焚卻范蠡船

題何蘭士道生詩卷

冰雪攜來一卷文游蹤檢點惜離羣軟紅塵裏常懷

我太白樓頭不共君君視漕山左時余丁內艱歸帝里尙畱

棲樹鶴蒼生還望出山雲尊前小別添悵悵冷雨邢

溝一夜聞

十月朔日曾都轉煥招飲休園分韻字字

蕪城萬井喧秋色浩無主悵然登臨興招此今舊雨
名園倚幽僻勝境隔塵土灌木不記年霜花尙盈圃
茲堂屢易姓傳舍鮮寧宇當時金谷宴可有魯儒腐
高臺倏將夷青史闕無取使君雅敦素太守篤耆古
澄清鬱奇志俛仰思小補移尊就空曠清尙屏幘羽
一作華廉泉設醴飲經濟助談塵吟詩寄情耳聊用壓
韓杜

秦小峴觀察瀛春谿垂釣圖

未必谿山得自由臨淵我亦愛清流人間不少魚吞

餌又恐先生用直鉤

芙蓉湖上擬垂綸界石山前好問津如此谿流深幾
許可能容得釣鰲人

太液春明首重迴畫圖莫認子陵臺濟時正要經綸
手且爲蒼生罷釣來

桂林授經圖爲家方伯日秉作

咳蘭花發繞階除岫桂叢高近碧虛親授過庭經一
卷勝他晏子鑿楹書

北平世澤有淵源早歲科名日下傳誰似吾宗能濟
美三蘇名重又斜川

畫裏風裁露性真天涯手足倍情親紫微仙署青谿

宅棣鄂花連一路春

題許秋巖太守問耕圖

三年有積應先問五穀能分詎不如稊稗也須知道
在儒書最古是農書

一麾馳馬本風清江左棠陰處處成若問讀書兼讀
律 至尊前席待先生

題張蠡秋曾度真

美人駿馬真名士都到林泉勝處來誰信尋幽謝康
樂翩翩華胄又仙才

玉簫金管坐題詩嘯傲青山起未遲白下相逢慚白
髮輸君長似畫中時

馬融石室口占

傳經臺古倚高岑經術東京到子深莫怪生平償不
足要將聲伎換山林

為家方伯日秉題王蓬心太守所摹董北苑瀟

湘圖

北苑圖中小謝詩雲山迢遞水逶迤使君按部行春
處太守含毫望古時宛在仙舟人約綽似聞天樂竹
參差十年讀畫聯吟處回首秦關有所思曩見北苑
真蹟於關

中節署

王觀察象儀于署中葺茅茨作詩次韻和之

亭外嵐光自廓如窗前綠意未全除戟門深處還調

鶴案牘清時又展書
蔀屋圖民心事在
草堂容我宦情疏
論文日有高軒過
羸得青谿近結廬

次韻荅洪稚存太史

亮吉

酒痕猶染舊時襟
相對居然鬢雪侵
結綬蕭朱曾接踵
抽簪元白又聯吟
及身易定千秋業
經世難灰一寸心
祇恐未移麋鹿性
便遊廣夏憶長林

歸硯圖爲袁綬階

廷禱

題

一片澄泥硯攜來
問字亭摩挲思世澤
呵護有先靈什襲仍完璧
傳家伴一經我懷吳將印
古篆想儀形

予藏家吳將印文曰孫武私印

題張子白同年大令

若采

西涼春色圖卽送之

任

短衣匹馬便孤征
帝識循良在此行
邊徼如今要民牧
請看才子作長城

昆侖山接賀蘭天
一片河湟落眼前
君問富民渠在否
下車新政是農田

百二秦關訪古迴
驚人詩句達燕臺
崆峒華岳題名到
何似看山人剡來

知君驛路最相思
我亦愁看贈別詩
他日西湖重訪古
半閒堂址獨來時

題畫

一株疎柳一株楓
斜應懸厓落照紅
多少閒雲爭出

岫讀書人在萬山中

石田遺跡辨能真淡處深含四座春爨下知音得賢
主豐城望氣更何人

偕洪稚存探梅隨園飲小倉山房次韻

一代靈光入冢時百城文史付佳兒尊開文舉連宵
燕腹痛橋公曠世知古樹著花先歲發冷雲含雨出
山遲中年小別關情甚添得新霜在鬢絲

蘇文忠祠堂圖爲秦小峴觀察作

千秋詩客有前因手薦春蘭到水濱祠宇不摧人代
好湖堤無恙柳條新嘉平終古思生日循吏重來是
後身我媿褰帷難暖席山陽水利屬何人

張穆庵轉運

映璣

屬題雲在山莊圖所寫厯下

某氏園也

琅玕影入碧波紋畫裏林亭竟屬君此日東南要霖
雨在山雲作出山雲

只餐山翠與湖光攬轡清風動路旁若畫使君行部
處一行隄柳一株棠

寒帷我亦到明湖厯下名園好在無畢竟蘧廬同是
客千秋畱得鞦韆圖

白公祠爲任太守

兆炯作

白公隄上新祠宇訪古曾經展拜頻水利繼成千載

政瓣香元有再來人兩朝詩老淵源合

祠有懷杜三樓仰蘇閣

徑園亭結構新祠爲蔣園故址若問鄒滕溝洫事廉車我媿
澤如春

受業海寧楊文蓀校字

先生於乾隆乙卯歲任兗沂曹濟兵備道適阮督部
元視學山左諸名士會萃一方多文燕唱酬之作曾
刊濟上停雲集板存黃司馬易家未及攜歸甲戌歲
從蔣明府因培索得一本茲將集中先生詩錄出並
錄和作庚申辛酉間主講詒經精舍時所作亦附焉
編爲第四卷仍名停雲集紀勝會也凡古今詩七十
六首從子壻龔慶謹識

吾師淵如先生未登第以前所爲詩畢弁山督部棐
入吳會英才集者蓀童時卽已熟誦大抵原本六朝
而出入昌谷玉谿之間七古縱橫跌宕一時與洪稚
存黃仲則兩先生並稱鉅手中年以後覃精漢學校
勘羣籍袁簡齋太史以爲遁入攷據至貽書相責不
知先生之詩之工猶夫少日也自古詩人無不博通
經史者杜云讀書破萬卷下筆如有神韓云凡爲文
章宜畧識字迄今二家之集具在其徵引未嘗不富
攷覈未嘗不精正不得謂長攷據者必不能爲詞章
也蓀及伯兄思敬受業先生門下十餘年來備聞緒
論客春重遊金陵尤得朝夕過從竊幸得遂所願何

圖小別未久而先生遽歸道山梁木之傷何能自己
茲難弟南麓先生屬龔子少山編次遺集命蓀以校
讎之役謹識數語以諗天下之讀先生之詩者嘉慶
戊寅夏六月受業海寧楊文蓀拜跋

租船詠史集一卷

芳茂山人詩錄第五

新除山東督糧道之官口占

一紙除書到驛亭故山南望不勝情別來鶴笑軒車
態白鶴一雙出山時寄友人處聽慣蛙忘鼓吹聲未信澄清關此

出轉因温飽惜平生從他廚傳蕭條甚自有圖書抵
百城

山左道中

駒隙猶餘感鳥私詎忍忘得登 天子陞重到聖
人鄉負米辭岐路浮家泛一航莫嫌行色儉文史富
連檣

倉史廟

生公臺畔劍池旁展謁新祠憶聖倉異表不妨傳四
目世官誰復擅三長漆書字不留中古白水碑空卧
夕陽我自髻齡攻篆籀手搴蘋藻薦心香

試院卽事次鐵冶亭中丞保韻

芸館追趨記昔因棘闈文燕過蕭辰絕無雲處重圓
月大有年中後樂身馬帳生徒他日廣庠樓風景一
番新謫仙得住神仙府未覺蓬萊隔世塵
一卧滄江五度秋湖山重到憶清遊感恩令伯仍持
檄擊節袁宏久住舟政美不妨官有暇才疎深媿志
難酬籌河積穀經綸在借寇人思節鉞留

再至東省過河漫各縣

龍節巡工此地過滄桑重見感如何

嘉慶元年攝運河道勘工臨清

帶一 大開神禹曾疏瀆

大清河卽漢人所云河行誰濬

齊桓舊塞河

緯書及鄭氏注經俱云齊桓塞九河爲

河故道所經洩運河秋漲入海年久湮沒事有非常須慮始議無上策况

謀多郊原極目哀鴻集媿對移文別澗阿

余僑居金陵終母喪

後二年因祖母九旬不復赴補大府檄至里門起余視河察賑

漕轉兼施古法存吳溝淮泗有通津

宋時設轉般倉

船不入江以爲良法故云自轉般之法行漕益富而人亦便自直達之法用漕益全而人愈病今淮泗通

北爲吳溝通商魯故道若下游障口虛糜帑高地行

河索解人河渠書云禹以爲河所從來者高水湍悍

北載之高地過降流水至于大陸播爲九河謂河過泥水大邳山卽分其流一爲漯川一從黎陽山北行也

康廉訪基田嘗問余禹之治水由地中行何反置之
高地余曰此卽禹貢北過大陸也高平日陸河行高
處當掘深之則由地中行若行平地必又築隄蘇轍
所謂築垣居水田廬低下如今齊豫數被災也
妄言頻誤國渠九河之說相反一河受百川秋水貫注勢不能容頻歲漫灘決口固其宜矣王尊捍患敢忘親寸長尺短從
評論可有人閒柱石臣余權泉時山左大府檄予治河以爲著事者呼應不靈久之又奏稱習鍊刑名操守廉潔辦理地方事務均屬裕如惟河務非其所長易人代任
次韻荅吉漕督繪

禹瀆枝流歲幾經偶隨鷗鷺宿沙汀十分爽籟升秋
月一路明河望使星下水船如年矢急被霜蘆感鬢
絲青運租尚有清吟客庾亮樓高竟夕聽

題左寧南復督師孫高陽檄調揭帖崇禎十六年有平賊

將軍印

督師平賊權難一倡義勤王勢已孤孫左也非亡國
將孱明失計不遷都倪文正曾有此請思陵不能從也

題息隱園圖

息隱園中大隱人閒居一賦自娛親琴書無恙風流
在六代中郎有後身
蕭疎修竹最依依丘壑胸中有化機知向南華悟真
旨圖中蕉鹿是耶非
愛招逸客做高軒四面山光半畝園恰共翩翩吳季
重也來十日飲平原
苔痕石上襍題痕惆悵尊前手又分我亦青谿同結

宅輸君不負北山文

通州視三弟

星衢

于三角淀回舟口占

泉州地僻守桑乾累日壺觴得盡歡千里一麾臨海
角六年三度到河干西堂春草勞歸夢北路車塵厭
此官憑仗徵蘭有消息高堂聞信一加餐

次韻荅吉漕督

雨過銷殘暑天空見海瞰檣排疑隔浦帆轉不離村
豐歲看禾穰歡聲過市門宦情聊復慰猶是夢田園

李鹽政招飲次裘制軍

行簡韻

綠酒波生燭燄斜西沽有客正思家吳歌繞座鯨魚
出消得離愁住海涯

節鉞增輝翰墨場偶因按部攬春芳梅花一賦驚才
露不信先生鐵石腸
槎使虛傳博望侯運租高咏幾經秋詩人星聚行臺
少對月同登庾亮樓
朋簪都似合延津分手期敷四海春莫學公孫餐脫
粟要開東閣引賢人

題梁匠誨同年鳳雛山館圖

意中池館眼中山畫裏居然翠壁環畱得鳳池家學
在清聲不斷五雲間

烏衣華望好門才千里征車把臂來我亦誦芬思舊
澤卜居新傍鳳皇臺

題閨人真

春風吹動鬢邊班自展生綃對遠山
輪與閨人出塵早玉京相見尙紅顏

會記聯陰夜閣虛小園松竹亦蕭疎
無人鬪茗焚香

坐廿載繩牀擁亂書

予出門歸閨人輒已整理書籍

人間小別太匆匆墓碣新鐫宿莽中
營奠營齋等閒

事孟光同傳約梁鴻

檢點牛衣淚未乾清宵論史一燈寒
對君最媿王章

事兩度虛彈獬豸冠

石琢堂殿撰

韞玉

北行留別一詩次韻奉荅

已分橫經又荷薪名山未乞向平身
五雲先後朝

天客一部旬宣假節人有約蓴鱸
尋釣具莫教塵土滯車茵雲巖別墅
山塘路孤負梅花在水濱

題春帆北上圖

天人策上驚時輩湖海才高作壯遊
回首浙西山色裏何人能上李膺舟

一樣蓴鱸動遠思春江我更挂帆遲
得歸淺水蘆花處莫羨乘風破浪時

華秋槎司馬

瑞潢

北山旅舍圖

葛仙墓下白隄前廉吏棲遲屋數椽
孤負陶潛三徑菊料量劉寵一文錢
琴書課子青鐙畔風木思親夕照邊
他日匡山讀書處流傳佳蹟勝平泉

匡廬識面圖為胡雒君虔作

千里探奇汗漫行
皖江雲入豫章城
廬山自有先生到
不許匡君占得名

搜討名山為注書
傳陽原似古時無
約君近訪安豐嶺
一補人間禹迹圖

水之上

大別山在廬江安豐縣出漢人注今所傳阜昌禹迹圖移於漢

萬壑千巖尺幅收
白雲盟在媿閒鷗
我尋五嶽才登四
試展生綃作卧遊

胡雒君環山小隱圖

曲曲青谿憶釣遊
蕭蕭鼓桂足淹留
有人問訊陶潛宅
千仞山圍萬卷樓

經學傳家自安定
臯比奪席到蘭臺
蒲輪莫負求賢

詔小隱還招大隱來

周駕堂給諫厚轅視漕天津兼權鹺使詩以紀事

析津民吏盡歡騰
黃帛除書得未曾
輶傳忽持雙使節
頭銜猶愛一條冰
女兒酒到儀俱却
學士鹽行價不增
却稱東方貧轉運
運租船上作吟朋

題停琴佇月圖

白雪何妨曲奏遲
青天應問月來時
使君自有驚人句
不用重攜謝朓詩

名山多暇足良遊
管領東南第一州
千古琴川風月

地弦歌飛上庾公樓

轉粟功高到日邊
乘槎人望若神仙
一輪卿月升霄漢
又和虞廷奏五弦

金雲莊比部

德輿

得岳祠銅爵將歸岳氏屬題

江山半壁長城壞
祠廟千秋祭器留
出土也應同碧血

傳家原未抵金甌
精忠有後宜無恨

爵有精忠報國及岳珂建神物逢君異
暗投把酒止澆墳
上樹黃隆痛飲

願須酬

李觀察

廷敬

座中分賦

種秧

水中分種日中栽
畫出江南錦翠堆
兩岸翻車聲盡

歇使君甘露應期來

繰絲

應機誰與展經綸
訝許文章觸手新
只有素心同不染

繭絲辛若笑何人

造醬

覆餅剩有著殘書
三伏弄藏到臘初
此味由來勝鹽豉

不知調鼎竟何如

曬藥

茅檐赤日正暄妍
料檢參苓入籠全
能活千人著千

卷不曾服食也延年

折荷

卓午涼生綠水灣，碧筒豪飲幾人閒。
荷衣製就商量久，莫被簪裾賺出山。

浮瓜

清泉手汲注磁盆，沁齒涼生碧玉痕。
一掬寒漿圖一飽，青門何必憶朱門。

賣冰

似雪寒光透苧衣，晶盤相對却炎威。
只除天上條冰貴，賣到人間一片稀。

舟泊揚州大雨三日，夜以郭河陽夏霖圖留贈。

會都轉燠

邢溝入夜水潺潺，雨在河陽畫意閒。
却羨無心雲一

片，有時出岫又還山。

結軼朝天喜盍簪，高齋話雨又題襟。
待公此去趨

宣室，問罷和羹問作霖。

時與都轉先後入觀

六月三十日抵棲霞口占時乞假南旋

六年塵土夢鄉廬，錦翠林巒畫不如。
猶對青山染須髮，歸田爭忍待懸車。

六月三十日遊棲霞在珍珠泉壁見王夢樓太守詩次韻和之，因寄汪春田太守。

為霖

安石林亭靖節籬，歸仍草草出遲遲。
行蹤野鶴孤雲伴，心跡清泉白石知。
信宿未能忘樹蔭，用三宿桑下事登臨莫待藉筇枝。
青山如舊循青鬢，慙媿重來異昔時。

苔埋三逕菊荒籬歸計秋風莫再遲汎梗官場餘我
共浮雲世事幾人知有情雪認飛鴻印無恙松留待
鶴枝記否僧寮同聽雨六年如夢不多時癸亥與汪
春田同宿

泉
珍珠

山左彌月望雨余入境過郟城費縣寧陽連獲
甘澍喜而有作

急雨驅蝗墜作堆郊原無際送青回誰知直指隨車
雨也爲征人灑道來
纔辭館粲又壺滄不信椒蘭過有芬我似鄭莊糧不
裏非關人愛故將軍

題牧牛圖爲孫令良炳作

風景桃林得自由戴嵩名迹偶然留夕陽芻牧馮誰
問却怪他人畫鬥牛
不施鞭策自天全藉草看雲一晌眠誰識牧人辛苦
意待他蕃息已經年
乘田小試有前塵休養能回萬物春畢竟牧民還似
此 中朝問喘望何人

讀漢紀偶成

梁冀初誅海內清朱雲何事欲捐生杜門周協從容
甚却恐人知不屈名

題余秋農曼丹陽道中踏雪聯吟圖

傳書張逸應成志問字揚雄亦有亭莫似程門虛立

雪空談理學不談經

君於東野爲雲久我恨宗之識面遲
悵好丹陽山色裏雪花如掌獨行時

華秋槎司馬觀瀑圖

不買青山但觀瀑使君風味尚書生
巖如翠黛窺簾出官似神仙着屐行
却對急流思勇退誰從高處更揚清
披圖我媿征塵滿何日來聽萬壑聲

邢侗山大令澗松林讀書圖

蒼松門外作龍鱗著述中年漸等身
爾雅手增家學闕西傾目驗地圖真
判除案牘橫經籍料理蒼生對古人
我望關西傳絕學天涯相見卽相親

轉粟北河舟中卽事口占十首

媽紅露重捲牙旗嫩綠風吹上柳枝
一縷名香兩行燭使君船過路人知

萬軸緜緜映翠裾問奇門茗日無虛五
湖却笑鴟夷俗只對紅妝不著書

潞水津關駐玉驄阿連來往一尊同
二弟星衢官直隸每年皆到舟次敘晤近罹天不高官職閒雲似最好游行在半空

詠史租船六七年醉時判事醒時顛
乘槎試近高寒處多少神仙羨謫仙

手版遺忘禮節疏謂倉場忘職履歷故及又看朝爽倚庭除笑

他大府持籌吏也乞先生玉筯書

拍浮日倚酒船豪甘脆何曾饜老饕一事江南較差

勝鼠姑時節已持螯北河春夏蟹螯已肥

啼鳩聲中綠樹稠乍嘗鄉味減鄉愁鯿魚清飲如蟬

潔何事浮沈在濁流衛河一帶近年多有刀魚即說文所謂鯿魚飲而不食者

動地狂飈十丈吹辟塵簾箔四邊垂睡鄉自有逍遙

福夢見天清地曠時

雲母窻虛月漸高夜深仙侶對拈毫醉來尚有宗之

共玉樹橫眠覆錦袍

尊鱸堂上勸加餐未到懸車要挂冠從此收帆向南

國平江烟水接長干

庚申冬日同人集一榭園閱十年矣偶屬吳山

尊學士題册有感舊遊率賦二律即用唐

陶山刺史仲冕元韻並以寄之時已巳年七

月五日

十年陳迹散如雲高燕鱸鄉憶夜分井上已投佳客

轄座中思接令公熏是日陶山因公事不至龍韜說劍慙初祖

虎阜棲神近故君重到山塘舊遊處幾人惆悵話斜

曛戊辰年假歸燕集一榭園所遇毛君用吉鈕君樹玉表君廷檣陶君琳黃君丕烈顧君廣圻何君元錫陶君梁吳生毓汾戴生延祜俱題名中人

林亭臨水又依巖尚惜風光不越凡攬轡久貽名士

誚迴舟合署散人銜看君鵷鳳遊三島陶山子鑑林

我雕蟲枕一函擬向元龍牀下臥笑他宦海更揚帆

題徐河督

端漢水秋屯圖次鐵撫部

保韻

麾戈誰埽漢陽平人羨班生在此行國士運籌還入幕書生投筆便談兵冠加鷓尾真儒將手射旄頭落賊營天與長城衛河洛一軍風鶴隔江驚

千騎登壇乍有須橫經學劍術非疏天人城北瞻殊

表烽火關西奏捷書受代我寧慚伯氏

前罷東魯監司時得節下代好賢人摠薦由余

山東江南督撫以君善治河交章薦舉頻持節才望原從此際儲

偽廉吏

偽廉吏日食一羹衣短袂左持法律右會計終日何喧喧興利復察弊清晨官中下火符吏胥戰粟民歡

呼催科不得名一錢起徭不得餘一夫東郡雪冤獄

西邑枉法誅守令變色走路隅懷金曳橐空踟躕清

聲徹九天夜半

得如召入温室問民疾苦寒暑怨咨惟爾恤撫承命稽首拜且舞出朝揚鞭氣如


虎日食不煩廚傳夜宿不入官府手曳空囊別有譜

道有舊吏索資斧昨夜喧傳有過客公子輝煌到京

闕東家得價鬻高樓都下新添廉吏宅

迂書生

迂書生少小捉刀削六經眼底五花烟霧橫苦心立言說經意隔席爬癢指爪輕巍巍高科那刺促束閣陳言親簡牘風聞例得人彈章獬豸非邪亦善觸去



年上書陳理財科條細密煩安排公門拜爵復幾許
私室金溢光皚皚七月河流走霹靂飛鴻滿郊不得
食黃金可成川可塞問之不語坐默默

西湖三舟圖

題詩讀書盡名流問水尋山數舊遊此地白蘇留古
迹何年李郭住仙舟一時勝賞千秋擅萬頃湖光尺
幅收我亦鴻泥餘印在倩人添寫詒經樓詒經精舍
樓予昔
居此

題馮刺史

湖

三士圖

寫東坡詩意爲抱朴子陶淵明及東坡三象自爲自

酒人
神仙與隱逸各自有千古東坡曳簪纓頗歷世塵苦

同有曠世才光燄筆端吐三賢參列宿餘子盡搏土
古人不見我此恨孰能補馮君不凡士白眼視寰宇
空堂對前哲折節酬清醕人物近眇然名山倩誰主
贈汪春田太守南歸

柳暗花明水拍堤淮南一棹去如飛漫愁此郡多滯
滯直爲時魚便合歸

板輿無恙鹿東存試檢奚囊句又新官費心神嬰世
務半園花石待經綸

拂衣輪與着先鞭將隱何須負郭田他日同尋舊遊
處棲霞山館虎邱船

阿城握手挈行廚安德停驂待郡符草草官場真苦

夢不會沈醉在明湖

題姚尙衣頁行樂圖

使君古君子篤行孚天人獨立性不阿夔屈道自伸
聖人鑒忠讜授節來江濬尙衣佐垂裳摧稅無
羸縉永懷過庭時重闢行馬門豈惟位業嗣且喜清
白傳衡門偶相訪傾蓋若飲醇既瞻江令宅復遊謝
公墩觴客筵屢張哦詩筆如神燕閒寫作圖眉宇含
古春桂根在天窟桐德參高旻雖兼濠梁性彌感
恩遇頻潢池乍解甲瓠子猶負薪獨抱經世懷堪
與知者論當今赤心吏誰似黃髮臣期公此開府余
復歸垂綸耆英倘入社斑白逐後塵

季春上浣得雨偕汪刺史

爲弼

張州佐玉城泛

舟次韻

夕陽初展墨雲收喜見新苗綠滿疇薄宦心情閒似
客濃春風景澹於秋永和會溯重三節屯氏河餘九
派流草草行廚成雅集幸逢李郭共移舟

深源輕出媿虛名紆鬱澄清攬轡情捧檄有人同小
謫夢巖同以散館改官扶犁感我欲歸畊千家桂玉愁纔減一

夢純鱸去未成差喜隨車三日雨行春村落有歌聲

天津令任同年

街蕙

招飲并柬胡同年觀察

銜

酒波燦豔蠟烟斜香案仙曹葉令衙清夢再尋蓬島
路黑頭同插杏林花予與觀察同年同人翰林又同改官

皇州麥

潤隨車雨 天路風回過客槎猶對笙歌憶雲水

六年痼疾在烟霞

天津道中魴魚入饌口占

盈尺銀鱗入饌奇故鄉風物鎮相思來從江海交流處去趁年光最好時細膩不嫌多骨鯁清華端不借膏脂虛傳八月還重出郭璞神仙却未知郭氏注爾云二月八月出不知爾雅以類相從鯨則今南中之吳鱸小於魴魚而味不及非一種也鱸音同茂言似魴魚而小者茂之義為小

倉場玉侍郎寧戴侍郎均元招同洪殿撰瑩燕

集尚書館倉場署題額 卽席賦呈

方丈筵開尺五天長安知遇記他年金龜賀老尋常

解官都下時屢與衣鉢和疑一再傳洪修撰出戴侍

門下予亦侍郎從半日清談依使院七年高詠在租

船予自甲子年至庚午七運東漕蕭曹政要先寧壹道德親書第幾

篇座中有王侍

深源再出媿虛名攬轡何曾獄市平自分圖書老空

谷敢誇霄漢有門生門生滿霄漢白居易句襟期共

領西山爽心跡都方潞水清差喜計臺添韻事瓊林

陪宴補春明故事狀元歸第列科一甲

德州偕吳學士嚴孝廉可均周刺史履端放

舟衛河小飲次韻

急流東去見層波殘暑初消換薄羅屯氏河荒遺迹

古米家船小載書多宦情漸比知秋葉樂歲聊看合
穎禾六載平津真卧治媿無循政入輿歌

送吳學士甫還山用唐刺史仲冕韻

曾攜采筆賦凌雲又咏揚州月二分子舍去修蘭膳
絮征衫來帶御爐薰中朝開閣今非昔歸

路先鞭我讓君到日秋風及鱸膾不辭行騎觸炎曛
晝錦猶嫌耀碧巖素衣爭肯落塵凡徑修封事陳烏
哺不問除書有鳳銜名嶽再經遊十日古碑此去獲
千函明年芍藥花時節有約金焦飽放帆

德州晤朱觀察爾廣額口占贈之

魯酒慚佳客仙舟緩去程共消三伏暑重敘廿年情

僑郡依棠近

余僑居金陵為觀察舊日官所

官裝載石輕古梅花尚

在別後幾枯榮

觀察昔以引病寓隱仙庵有古梅一株數百年物

家學傳緇素殊勩勒鼎鍾潢池能淨埽萍海竟重逢
老我飛騰意輸君磊落胃無田亦歸去不待學為農

時將引病

受業海寧楊文蓀校字

先生於嘉慶癸亥歲起補山東督糧道歷甲子迄辛未其間乞假南歸者一督運北上者八每於潞河舟次擁書數千卷公餘時有著作兼會集名流多觴詠之樂故自題行舫曰運租詠史之船茲編租船詠史集爲第五卷凡古今詩九十五首從子壻龔慶謹識

治城絜養集卷上

芳茂山人詩錄第六

題東山絲竹圖

一局殘碁似敵兵。拂衣何必待功成。陶情絲竹中年後。已被蒼生誤半生。

宿清黃交會口舟次口占

一夕波濤宿水濱。八年塵土浣車茵。秋來病骨驚心早。南下河身障口頻。開卷易忘行路險。求醫難似濟時人。黃花待我過重九。且向東籬醉幾巡。

題巖子陵却聘圖

蒼松畫有物外僧印不知何人

時平容汝去巖廊。一櫂烟波指故鄉。多事客星干帝座。狂奴不及介推狂。

此頁為書中插圖，內容模糊，似有山水或人物畫，但文字難以辨認。

利月言詩集

蘆花淺水任浮沉。莫笑還山入未深。却聘歸來仍罷釣。高人并少羨魚心。

得趙文敏所書曝書二字以署書樓口占二絕句

三層閣擁百家編。腹笥何曾似孝先。薄宦廿年徒立壁。買書錢是賣文錢。

思量故紙隔烟蘿。拂拭凝塵返澗阿。他日不分南北阮。曝衣樓上曝書多。

郭文學廖以神廬圖屬題

萊國樓臺無地起。幼輿丘壑自天然。青山可待巢由買。明月清風不用錢。

遠廬是處可容身。眼見朱門易主頻。我亦山塘新卜

築。未妨舍宅學王珣。子買虎丘一榭園
建吳將孫子祠

入畫居然似輞川。夢游何必到琅環。爲君更寫平生願。廣廈應須有萬間。

古詩

人爲。僕。蟲。長。天。意。令。冬。蟄。食。穀。智。而。天。真。人。學。呼。吸。聖賢參化育。衣毛復餐粒。哀彼蚩蚩氓。中年耄將及。我聞上古時。男娶待五十。後來習攻戰。滋生以爲急。伐性牀第間。煎燔自供給。積傷在方寸。何況百憂集。吾衰孔驚嗟。絲染墨悲泣。上壽焉可期。榮名亦空立。齷齪腐鼠餘。青紫莫爭拾。

聖人治性情。中和以爲寶。禹教先人倫。箕疇法天道。
諸子偏不中。一得自矜矯。柰何索虛無。解經雜莊老。
浮屠出東漢。妖夢孰稽考。六朝暨唐人。濫觴飾浮藻。
循環報恩怨。惑衆使祈禱。豈知眞天人。高識空入表。
責已怨自稀。無求物寧擾。不讀非聖書。有羨侏儒飽。
遐稽有虞代。畫衣當刑條。終身異章服。有類撻市朝。
民固不畏死。法峻俗益澆。荀卿疑象刑。性惡識不超。
麟遊讓生草。鳳去驚胎天。察物知天仁。則之自唐堯。
仲由雞冠客。蒲鞭且停操。後有李日知。永屏朴與敲。
彼哉酷吏徒。妄擬執法蕭。宿囚肆非刑。誣服由遮要。
收幣始亡秦。五虐起有苗。爾後不足惜。壞此玉燭調。

辛未歲臘八前一日遊焦山遇大雪信宿而返
山僧借庵索詩用蘇子瞻放舟焦山韻走筆
付之

一邱一壑目所眈。何況名勝誇東南。茲山屢過不一
到。望若海上神山三。窮冬病體幸無恙。裹裘瑟縮如
僵蠶。鑿山疑賊靈運懼。有田不歸子美慙。江天萬里
動寒色。蛟龍百丈蟠深潭。登山拾給焦洞近。枕流高
臥神魂酣。濤聲激石壯心骨。松風入戶侵笑談。夜來
飛雪照巖谷。瓊瑤裝飾金仙龕。佳辰臘八適相值。齏
粥味勝膏梁甘。桑陰三宿恐增戀。中冷一酌原非貪。
長歌趁韻才力薄。濟勝有具衰年堪。詩僧高絕況同

志明春再訪山中庵。

自焦山放舟登岸仍次前韻

象山招人遠目眈。破浪忽返江之南。勝遊難得雪盈尺。快友應記人同三。同遊爲劉司馬台。斗顧文學鶴慶。中流回首望絕壁。天然畫本王荆慙。八騶不換此寂寂。萬瓦未醒居潭潭。鯨波吞山石。欲裂虬枝戰風聲。正酣漫空天花助禪悅。照座玉屑開清談。剡谿旣到忍回櫂。焦仙有約當同龕。才名畫餅豈足飽。世味嚼蠟無餘甘。江流有時雜澄濁。泉性自合分廉貪。鴻歸寥廓弋空篡。樹猶搖落人何堪。急圖清淨屏塵俗。歸途夢繞臨江庵。

題周上舍

廣衡

入關登華圖次吳學士

肅韻

咸秦在天上。二華凌雲標。我遊迫飢驅。適與名山遭。八年客關西。不問資用饒。窮冬朔風厲。盛暑炎陽驕。束馬登龍門。豈憚去路迢。天關呼吸通。霞際衣裳飄。驚魂在千仞。一墜不可招。偶作蓬島遊。遂趨玉宸朝。求容恥錄錄。易缺愁嶢嶢。翻然夢巢許。無復懷管蕭。歸田解簪紱。戴笠耘禾苗。側聞西諸侯。翹材盛賓僚。周郎倣儻姿。華胄東吳遙。飲醇氣誼真。讀畫心神超。開卷見絕壁。夢游起中宵。蓮花手攀弄。鶴駕從嬉遨。東眺紫氣關。西酬白雲謠。千巖縮方寸。萬壑工摹描。浮生苦拘檢。百歲憂勞切。從君采藥行。長鑱日橫腰。

修羊儻可逢。毛女時相要。虛名駒過隙。游蹤鶴歸遼。
手酌北斗漿。衣用天孫綃。借問曳圭組。何似升烟霄。

餞春次查京卿

有圻韻

柳拂池臺絮撲廊。淡烟疏雨玩流光。東風做冷多情甚。約住飛紅又送香。

綠暗紅稀各有情。爲誰惆悵鬢絲更。能消幾度經旬醉。又聽新鶯出谷聲。

題篴侍御

重光

鬱岡棲隱卷

鬱岡本仙都。古有隱君子。昔游窮地肺。未得餐石髓。
初成迹荒遠。貞白此棲止。千年白雲冷。後見篴御史。
傳真孰添毫。野服想脫屣。道腴故無悶。名在長不死。

楚弓得有時。趙璧反可喜。文孫獲家珍。叔則真雋士。

裴茂才璜爲篴氏後裔索題

我歸青谿曲。屋映北山陞。五松久成

陰。獨鶴不飛起。誰能圖子荆。枕流洗其耳。

題方閩督

維甸

青谿放櫂圖次朱文正師韻

公勛合寫凌烟圖。胡爲空谷留白駒。公才

帝用

作舟楫。餘事經術追江都。陳情一疏急烏哺。循陔終

日永絳趺。三山二水釣遊處。手握旌節思江湖。訐謨

已樹大猷遠。著述獨洗枝辭膚。青谿一碧照鍾阜。放

櫂便抵尋蓬壺。似聞朝宁屢側席。仍以溫清辭中

樞。斯人不出共扼腕。時有雕鶚無騶虞。鈞衡須用讀

書種。譬待貞淑媒。閭媿東南河患歲頻告。

至尊

肝食民飢劬。山中宰相鄴侯在。借箸有益蒼生無。

慶方伯保出尊甫尹文端公遊攝山圖屬題次

卷中韻四首

一代勛華垂汗簡。六朝羣屐訪青山。顛厓尚有題名在。父老猶思擁節還。落帽高情鴻印。爪籠紗。詩句豹窺斑。東南已奏平成績。小試經綸在此間。

銘恩鰲戴尙難勝。逸事開山問老僧。邵伯樹存終古愛。羊公石立最高層。格天政豈誇三異。好士才皆擅八能。民隱繪圖頻入告。封章藏付殿中丞。公遇偏災必請蠲緩胸中邱壑本無窮。親仿三垣築紫宮。千佛近依星拱北。萬松齊捧日升東。靈泉珠瀉。奎章麗絕壁天。

開。輦道通供。張繁華。都屏却。祇留柏翠。與霞紅。

千佛嶺萬松山珍珠泉天開巖皆攝山勝境

西曹東國追趨舊。方伯在比部與子同司又同官山東澹泊平生味共

嘗。軾轍交遊都契合。方伯兄今相國桂前鎮西域歸至關中屢陪節署燕集將軍霖

鎮金陵亦相過從韋平相業本絲長。主恩旌節今重建。

見攝輿頌江淮久未忘。開卷清風思吉甫。好傳精白

報。當陽。

渡河

萬頃長河剩半泓。海田轉眼客心驚。濁流不信清如此。恐有波濤一路生。

題慶方伯保宦游清興圖冊

春郊相馬

伯樂曾過冀北來。能收駿骨到龍媒。勸君更與求良牧。莫任空槽困軼材。

平江邀笛

碧桃花發草痕齊。一櫂春江水拍隄。只惜仙舟同醉處。不曾邀笛在青谿。

趁雨栽蘭

化雨光風未有涯。春來生意滿幽階。蕭閒官舍如空谷。便與當門種亦佳。

春園問筍

零紅碎紫漸紛紛。習靜偏宜對此君。寄語東風好扶。

植放教直節去。凌雲。

東閣開尊

西園雅集留題徧。北海清尊達夜開。我似步兵貪一醉。為君佳約賦歸來。

琴鶴怡神

手譜弦歌致俗醇。又攜玉節覲楓宸。鬱林片石何曾載。琴鶴隨身也贈人。時詒子古琴並以一鶴畜孫子祠。

秋林清嘯

九秋木落見青山。絢爛霜林錦翠斑。還似山塘頻載酒。子雲亭子畫中間。

海山雅操

腕底天風和。海濤琴音驚。舞戴山鰲移。情自有成蓮。
在。不碍陽春調。獨高。

蓮池授簡

佳句紗籠在上頭。芙蓉池沼燕名流。待君接武平津日。
開閣重登不繫舟。望山相國督部三江作屋署西名不繫舟

海疆奏績

潢池烽靖畫凌烟。破浪乘風記昔年。應笑張騫徒鑿空。
仙槎虛到斗牛邊。

題方制府

維甸

尊甫恪敏公

觀成

萬松丙舍圖

次韻

白首歸來種萬松

首句原唱

胄山南指大茅峯。烟霞彩翠

成干色。巖岫回環度幾重。第八仙都名迹在。萬家敞

地吉占逢。望雲未解宣風組。擁節思攜訪岳筇。手植

喬林經歲月。躬親負土謝徒傭。邠卿石自生前立。邵

伯膏皆去後醲。再世同藏遵蓋祔。兩朝三命益銘恭。

科名屢見孫枝發。節鉞頻聽鴈序雍。畿輔神君曾繪

象。甘泉賢母亦圖容。地靈精爽時歸鶴。樹古之而欲

作龍。讀禮身常依石室。移忠助久勒金鏞。瀧岡舊德

書華表。堂密新陰倚美樅。舍築三年申永慕。墳加四

尺更崇封。銜哀食尚辭。鹽酪。賜奠天教列鼎鐘。

帝念荀何仍降勅。公于韓范合希蹤。北山衡宇

還相望。東野雲龍悵莫從。展墓細尋枯竹徧。出山迴

顧翠雲濃。清風大鳥應常駐。儉德羔羊。是舊縫弭節。
他時勤過訪。著書甘我老。衰慵五松深處。容棲隱高。
臥袁安。又一冬。予僑居舊王府之五松祠。與公奇望街宅衡字相望。

得吳太守階書却寄

圖賊籌兵仗筆端。故人憔悴乍遷官。山居不識干戈動。猶向曹南乞牡丹。

題胡玉昆處士金陵名勝圖八幀

鍾阜

龍蟠依舊枕江湄。餘地何曾讓獠兒。紫氣消沈黃屋冷。荒谿人覓次宗碑。

牛首

歸然天闕作南門。渡馬人知帝子尊。似此家居撞亦壞。千秋名讓謝公墩。

靈谷

萬松陰裏聽泉聲。百級琳宮逼太清。不爲蕭梁延國祚。金仙閱世太無情。

獅嶺

盧龍山險獅峯接。老鶴河驚鶴唳頻。三宿崖前公弼住。南朝此際竟無人。

江關

潺湲一夜鎖江聲。雨宿風餐感客情。幾麓古書三尺劍。關香誰識弃繻生。

雞籠

四陵北去一成山。塔影湖光盡日間。儒館傾積文物。盡癡雲。只解護禪關。

石城

百戰江山越霸基。斬巖虎踞瞰湯池。須知一片降帆。出不及歸舟。載石時。

鳳臺

元嘉招得鳳皇來。此地青蓮醉幾回。近我生平讀書處。瓦官遺寺古城隈。子庚子年讀書瓦官寺

五畝園看罌粟花

四山如畫獨登臺。衆綠成陰坐舉杯。花似文章摛錦。

出人隨蜂蝶。擁門來。隔籬野菜。鎔金徧積。雨天光掃翠。開更有夕陽紅。萬頃儘教絕豔。費驚才。

題國山碑亭圖

趙大令曾攝荆谿因爲國山碑作亭。榻本見寄索句。

校官晚出天讖毀。惟有茲碑屹然在。東吳蹟古接秦漢。皇象書奇敵斯喜。我歸未買陽羨田。訪古不到山巔。披圖細認善卷洞。識字重尋倉頡篇。唐侯仲翼風雅趙侯替。覆石作亭仍作記。封山昔聞孝侯至。廢舍今同召公憩。吁嗟呼賞音人少。誰來游。古文奇字空遺。留君不見會稽亦。有孫皓刻誤作窆石。傳千秋。

今所傳寔石有天文玉石等字類天璽紀功刻太平
寰宇記會稽縣引輿地記云禹廟側有石船長一丈
云禹所乘也孫皓刻其背以述功焉後人以皓無功
可紀乃覆船刻之字其船中折案即臨平湖有石函
刻字改天冊爲天璽元年時所刻也

題姚方伯秋山賭墅圖

不爲蒼生緩拂衣。家山九點望依稀。巾。便憶華亭
鶴。此。段。知。幾。勝。陸。機。

錦江澄碧照清襟。畫裏秋山似故岑。謝。傳。竟。須。輸。一
着。身。親。破。敵。又。抽。簪。

門前穉榿碧雲稠。遲我升堂謁太邱。留得鑿楹書卷
在。龍門作述有千秋。今嗣椿有橫雲山
山人著述之志

問奇載酒日盈門。回首靈光幾輩存。我亦冶城新卜

築更無人賭謝公墩。

題吳君文徵所畫東方三大圖泰山東海
孔林也

我官聖人鄉。觀禮至孔林。泰山亦三上。古迹親搜尋。
徒持登萊節。未覽滄溟深。翻然憶邱園。聊此投朝簪。
吳君妙詞翰。繪事空古今。買權揚子江。來游北山岑。
示我三大圖。燦若天列參。岱宗小齊魯。海若迷涯溔。
神哉奎婁野。千古奉德歆。我歸守書簏。欹枕落白蟬。
爲山割雲壑。鑿水開蹄涔。甘與斥鷃翔。不慕飛鴻音。
齊物等鉅細。從俗聊浮沈。長謝斗筲輩。保此雲霞心。

游仙詩

天賦恬愉適性情。不須辛苦待丹成。周家卜世空千

古只抵錢彭過一生。

玉樓成後急修文。禹篆周書半失真。我有綠章通帝座。神仙須用讀書人。

幾年都廁困劉安。鷄犬升霄仰面看。未慣高寒仍倨傲。莫貪圭組作仙官。

剩有西王識歲星。清都逸事記三生。分明天上偷桃客。辟戟人間弄直聲。

何曾符籙究真詮。不管滄桑有變遷。聞道昆侖多視肉。吸風飲露便登仙。

効召真靈盡渺茫。鞭笞鸞鳳太猖狂。神仙不作和平福。怨鬼終尋費長房。

題屠大令傳說詩圖

仙鳧一夕下蓬萊。曾向鈞天醉幾回。珥筆詞人滿霄

漢。祇今誰似謫仙才。

君由庶常改官

弦歌聲裏自敲詩。況有匡衡助解頤。江左風流愁闋

寂。看君壇坫接袁絲。

袁大令枚

商量字字要吟安。漫問高岑與杜韓。我似江淹才盡

日。避人詩債築臺難。

題三高士圖次王雅宜寵韻

何須鳥盡始盟鷗。智可家謀爲國謀。霸越吞吳成底

事。却教遲放五湖舟。

范少伯

棲條何處擇高梧。客裏悲秋恨未舒。不是知幾聊適

意還山我亦為鱗魚張季

泛宅平江趁好春與君千載作比鄰家祠在虎邱與甫里祠相近

鬱林片石傳家在莫羨浮沈宦海人陸魯望

乙亥歲正月十日病中撰尚書今古文注疏成

因題元戴淳伏生授經圖

伏生自有子而使女授經簡出壁藏口授其義明

光光廿九篇在世如日星我官聖人鄉訪古近伏城

元和郡縣志陽穀縣故伏城在縣東南二里伏生所居因以名之鄒平墓空在立後

志竟成宋明已來設立五經博士惟漢儒未有立後

子權泉東省訪得伏氏嫡裔屬鄒平令撫教之因咨會學使疏題請立俞允手疏典謨誥絕學矢畢生

廿年抱卅卷閉戶期歸耕病恐命不延撰述起四更

窗前雪盈尺燭盡雞初鳴展拜壁上圖白髮撫自驚
我子長未齠嬌女亦始嬰但期守圖籍勿讓智挈瓶
炳燭吾自堪且緩書綱楹

蔣大令因培官泰安浚岱頂玉女池得秦相李

斯篆字殘石見寄搨本索詩

空摹遺篆笑申元申徐宋徐訪古輸君興不孤一炬

碧霞成瓦礫乾隆戊午歲碧霞元君廟燬或傳此石已焚千年玉筯未糝

糊交希剩憶韓陵石政美能還合浦珠想見賞奇思

勝友先臨日觀望東吳

題空山聽雨圖

石葉香濃出翠帷簪花書好寫烏絲早梅晴日閒相

對可勝。西窗話雨詩。

蔬筍筵前屏舉觴。芙蓉湖畔理歸航。頻年已作浮家客。尚挈紅妝媿道妝。

韶光如夢去。息息莫遣春消夜雨中。我似維摩長病在。散花人近只談空。

題沈司馬恕

所藏曹銳畫卷

曹死後王學博曾孫為其擇壻以此

畫作聘

荀令傷神感逝川。喬公遺蹟省他年。丹青便作妝奩簿。冰壁都成翰墨緣。古道自堪酬死友。壻鄉終竟遇神仙。來遲未覩青綾障。此客登堂亦憮然。時沈已悼亡

洪大守梧

汪大守端光

招飲梅花書院出九日

行庵文燕圖索題馬氏玲瓏山館物也

竹西風雅思前輩。花下壺觴又一時。金粟尚留身後影。蠟梅恰放嶺頭枝。坐看玉樹頻驚老。歸啖鱸魚各恨遲。謝墅馬莊零落盡。幾人好古共襟期。

張大守

問陶

為子題半身小影次韻答之

江湖差喜一尊同。懶聽高軒接鉅公。曾子不妨生蜀國。步兵原可號江東。頻來放擢非緣雪。自欲收帆不問風。後世相知儻相識。莫因名位薄揚雄。

題廖轉運

寅

歸鶴亭次韻

長風萬里送歸程。逸翮曾經到碧城。拔宅去疑仙有分。橫江來應夢初成。雲龍亭後傳新記。清獻琴邊數

別情我亦邱樊思戢影。偶逢知己一飛鳴。

白桃花次韻

也從萼綠證仙因。好與梨花作近鄰。照水已非前度影。和雲莫辨去時津。嬾回素面朝天闕。罷舞霓裳對月輪。五日清風三日雨。爲他洗淨軟紅塵。

得周號叔鐘歌次韓昌黎石鼓詩韻

銘功彝器古人重。樂縣在御工升歌。八分改隸變倉頡。九千諷字存蕭何。茲鐘周餘出西虢。如見禹鼎如兌戈。輪囷壓載力難抱。青翠入骨誰能磨。奇文可讀費講解。至寶偶獲非搜羅。昔聞西伯詢二虢。奉嶂髦士皆峨峨。雞斯贖罪入天府。鳳羽表瑞來巖阿。鑄金

自欲子孫守。假器或恐神靈呵。周公尊師諡可考。有

惠叔字當卽號叔之諡

史籀下筆體不訛。畫沙分明爪落隼。懸

針織瘦文成蚪。年深列虞想追蠹。響應建鼓爭鳴鼉。區區後世弃車輔。絲絲伐國尋斧柯。百鈞重器土埋質。千年往事機投梭。可憐古樂盡弛廢。誰見端冕來委蛇。尸臣鼎出問張敞。幼婦題後傳曹娥。我曾訪古入函谷。近復引疾歸江沱。家徒立壁似司馬。地剩片石尋光和。江南北古物惟校官碑埋頭故紙獨扃戶。敗興歎歲仍催科。眼明一見徑須購。手拓百本寧嫌多。有情曾聞泣金翟。沒字空復嗟銅駝。知音幸顧聲價重。妙製豈任烟雲過。攜歸宗祏世永寶。參校蟲篆朋相磋。升堂

似觀虹貫斗。渡水忽懼蛟。興波楚人得。弓事偶爾魯。
國取郃禮則。頗投珠匪暗。庶得所挈瓶。有智期靡佗。
魏絳無功尚。忸怩展禽別。贖難媿媿。土花未脫半。漫
滅水墨不厭相。按抄從誰筵。撞發清韻。令我才盡猶
長哦。陳庭何必雒雄雉。出地偶復同雙鵝。有嚴在上
翼在下。得純亡休福不那。銘有云嚴在上翼在下又
云得屯亡休降旅多福
琳琅金甃日環列。布素茅屋忘坎軻。家珍薦廟抵圭
瓚。神物在世光山河。人生如汝壽堅好。百年過半非
蹉跎。

百節相招同石殿撰

韞玉

陳大守

漢

偕余燕集

制署令公子出拜賦呈一律

木天追步許題襟。江國開筵又盍簪。同向行臺看玉
樹。忽疑芳燕到瓊林。傳衣他日爭先甲。聽履中朝有
嗣音。星聚東南依北斗。好添佳話在棠陰。

臘月十九日爲蘇文忠生日招集同人設祀五

畝園次集中游蔣山元韻

文物開來者。神靈冑惠然。拜同庚子日。會仿永和年。

鍾嶺尋游屐。秦淮記泊船。公集有泊舟金陵阻風之作鑄金思少

伯。題象替青蓮。公有題太白真詩梁苑懷前度。前在中州節署有此會

吳宮借左偏。五畝園在舊吳王府東偏亦元御史臺故址猶龍歸上界。馭

鶴下層巔。福讓三生慧。廉陳一勺泉。九州知誕日。千

古惜生天。手筆期同輩。心香結篆烟。高寒回望處。玉

字月娟娟。

贈張生灤次許漕督兆椿韻

爭名何必向長安。湖海才高著眼看。文舉再生應爾薦。邴超一到令公歡。翹材得似平津少。行路休嗟鮑照難。脫手新詩勞贈我。有人擊節欲傳觀。

花外山光柳下風。扶輿處處得君同。飄零未必才空老。漫滅何妨刺鮮通。問字踏殘庭雪白。論詩敲盡燭花紅。休嫌仲蔚蓬蒿徑。自有高軒接鉅公。

江光一綫閣次姚比部鵬韻

翠微一徑入雲斜。極目東南未有涯。江水白添連夜雨。嶺梅紅似半天霞。何年蘭若迷陳井。烟脂井宋人謂在法寶寺

終古青山屬謝家。過眼韶光天愛惜。春寒留住十分花。

秋郊口占

未成邨落兩三家。古樹霜寒立暮鴉。不信秋風最蕭瑟。蘆花起舞學楊花。

唐太守仲冕石殿撰韞玉先後假館五松園有

詩贈予次韻答之

未到縣車便乞身。抽簪猶惜鬢霜新。問奇不斷門前客。投轄常留坐上賓。小築數間同傳舍。一年幾度值花辰。故交多占夔龍席。贏得江湖與散人。

霜葉多時戀故林。雲羅何處網翔禽。眼看弱柳風流

在坐蔭長松。歲月深庚信。小園聊獨樂。杜陵廣廈負。初心落英芳草門前路。平世桃源任客尋。

一徑留莎滿客廳。幾人看竹問居停。已憑鍾阜爲圖障。直借青谿作釣汀。攬轡未酬宣室問。還山不負草堂靈。狀元坊謂石琢堂與文翁室謂唐陶山江左他時說

聚星。

二頃何曾作遠謀。營巢應笑拙於鳩。圖書清閱蕭閒坐。花月春江爛漫游。賺我名同殘夢過。報君詩媿夜光投。到門一派春淮水。有約攜觴共拍浮。

五畝園落成口占十二首

小芍陂

芍陂浩千頃。一壑不嫌小。我無澤及民。灌園以終老。

蒹葭亭

露白葭蒼際。斯亭面碧濤。無人見高絮。一鷺下波心。

留餘春館

婪尾紅初綻。成陰綠未齊。春光無限好。留地種醪醅。

廉卉堂

唐太守仲冕題額云辛未之歲淵如觀臚越數年人思樂易之德多寄土物因以曹南牡丹植於後庭爰取鬱林廉石之義以署其堂且勉後人無忘清白之傳

移來深色花。臣門忽如市。方媿載石人。空齋一卷詩。

枕流軒

松際濤聲遠。荷間露氣侵。尙嫌泉聒耳。止水照清襟。

窺園閣

五畝興公宅。三年董相書。黃金花色裏。樓閣是仙居。
蔬香舍

拔葵箴俗吏。種菜惜英雄。我愛齏鹽味。歸應爲晚菘。
綠斐茨

就竹架南茨。臨流開北戶。遠客屢移牀。此君常共語。
映雪亭

臥閣三冬嬾。凌寒一卷開。花光兼雪月。併送夜明來。
鷗波舫

烟水橫窗遠。江湖入夢回。觀魚猶罷釣。鷗鳥莫相猜。
奧室

花好迎冬旭。衣須振俗塵。任教霜覆瓦。寒谷早回春。
嘯臺

四山如畫障。萬綠見橫枝。嵇阮無仙骨。蘇門獨往時。

冶城絜養集卷下

芳茂山人詩錄第七

題羅山人

聘

爲子寫昔夢圖十幀

含飴夜課

乾隆十八年癸酉歲九月甲寅余生於常州郡城之觀子巷今劉氏宅也時家大人以四月入都大母許太夫人故守節撫孤及得孫愛憐特甚五歲入塾歸太夫人必篝燈課讀母金夫人紡繅其側比家大人歸已九齡矣

烏夜啼。香柚樹兒抱書來。塾師處。阿母視兒衣。老嫗問兒飢。兒就大母牽裾嬉。大母勸兒書再續。一錢買

三城身卷二

九

豆十回讀書聲。紡聲燈一粟。鄰雞欲鳴更漏促。父歸
識父兒九齡。背誦文選留賓聽。

山夕酬詩

歲乙未予始借室人王夫人來句曲官署
屋前有喬松桐桂秋宵論史燈月淒清夫
人有詩云五更殘月欺燈影一樹風鴉續
鴈聲予訝其慘切遂成詩識

烟霏霏。露暉暉。月出桐柏光入幃。幽人對吟病。妨冷
柏子。熱香。桐淪茗。開書瘦。脫玉釧。聲背菊。慵垂翠鬢
影。錦衾絲薄。牛衣似酌酒。屬君還論史。王章之妻兒
女子何事干。卿三歎起。事見袁太史
枚所撰志銘

地肺尋碑

句曲學舍去茅山三十里。曾借錢少詹。大
斯訪求古碣。復與洪孝廉。亮吉信宿山齋
中宵賭酒中峯。或冬月解衣入蓬壺洞行
數里深。不可測。燭盡而出。同人訝之。

弱齡頗好道。慕有龍仙芝。勾金之壇間。神仙所娛嬉。
天風吹衣雲繞足。洪厓拍肩同信宿。宵攜酒榼上頂
峯。冬脫裘裳入幽谷。初成兄弟去不回。越翳之穴迷
蒼苔。山中宰相充隱耳。不識梁武非仙才。地肺玲瓏
似堂密。我欲南穿洞庭出。龍威祕符不可得。洞口題
名。土花蝕。

采石同舟

采石有絕壁大書珠聯璧合四字俗傳是
李白崔宗之醉月處歲丁酉子與洪君亮
吉客安徽學使幕中登黃山白嶽上天都
峯熟游青山白紵之間釀酒太白樓前而
返

我游皖公山直造天都峯萬松偃蓋石鑿空鋪海干
頃雲溶溶琴高溪淺魚可數八公山空鶴唳苦就中
秀異不可忘白紵青山熟游處江光接天一葉舟東
山月出同拍浮竹君學士文章伯想像高樓醉佳客
洪生當杯感陳迹我亦題詩臨絕壁江山如此不逢

人。醉。酒。大。呼。李。太。白。

漢宮訪古

歲戊戌至甲辰入關七載值畢中丞沅開
翹才之館著述之暇與諸名士出遊曲江
樂遊原訪漢長安古城所得瓦當文字奇
古程上舍敦嘗鎔錫印沙釋錄成書流傳

海內

阿房一炬成焦土金銅仙人泣移處長安所遇故物
稀片瓦千年出荒圃秦宮蘭池漢未央蕭相事迹珍
琳琅宣和好古惜未見不與什襲千金裝漕渠斷絕
昆池塞惟見高原劫灰黑路人但拜蝦蟆陵萬戶千

門豈能別君不見銅雀瓦如沒字碑臨春結綺餘陳
泥世人知寶宣德製今所傳未央瓦如瓦形者明宣德時偽物魚目混珠
吁可悲

龍門題壁

癸卯歲北試下第自晉入秦偕仲弟星衡

登井陘歷三天門訪絳州石天尊象碧落
文不得遂登龍門渡河之韓原仍至長安

節署

連山插天松挂壁竟夕風颭蕩心魄起登絕頂看黃
流雄雞一鳴日丸赤循厓謁廟歎禹功斧鑿何處施
神工馮夷都深數十里萬丈蛟龍蟠水底有時發蟄

一聲雷多少凡魚欲飛起渡河展拜司馬墳如我壯
游曾幾人君不見天池鯤化搏風雲濁河如帶難容
身

蓬島游仙

予以丁未科及第入玉堂校中祕書於西
苑之文瀾閣旋以散館改官比部張檢討
問陶贈子詩有云十二瓊樓無定所神仙
何必住蓬萊

我昔飛步蓬萊巔玉樓落筆驚人天綠章一夕奏奇
字仙官不讀南華篇剛風吹墮白雲裏郎位哀烏冷
如水有時呼吸帝座通謫來猶在天九重銅頭鐵額

頑仙宅。偃月堂。開手堪炙。招之不來。官屈節。揮手爛醉。長安陌。浮雲蒼狗。倏變遷。我亦夢醒。辭釣天。青霄冥冥。黃鵠舉釣竿。東去迷烟霧。回視蜃樓小。一漚散仙更有逃名處。

五臺省謁

乾隆五十七年

西巡之歲予以尚

書郎扈從時家大人官河曲令治道臺懷省覲于清涼山麓自奉大母及母入都就養不見家大人六年矣

長城北去山極天。千乘萬騎來駢闐。巉巖無路自終古。人力要令石戴土。山環谷轉如平野。鞅掌無時得

休暇。征夫心動馬回頭。遙見白雲親所舍。循陔何日歸採蘭。翻累俯畜羅晨餐。夜深去就擅帳宿。起訝瓊瑤照巖谷。雪花如掌作陽春。石隙桃林紅萬簇。時三雪桃花滿山琳宮高下香烟生。天清地曠山空明。黃衣之僧占名勝。白屋無地屯耕氓。似聞北臺尤斗絕。太古常留丈深雪。我疑此處有仙真。可惜前人無轍迹。

書堂問字

予始僦居琉璃廠橋之西宅前有大樹海內之士賞奇析疑者咸識其居也後移寓孫公園小拓室宇為諸名士燕集之地每歲朝鮮使臣至必款門投刺朴卿齊家為

子書問字堂額又大書崔儵語云不讀五千卷書毋得入此室

琉璃。殿。西。青。殿。口。塵。鬻。圖。書。街。尊。卣。十。丈。紅。飛。過。客。塵。一。株。綠。認。先。生。柳。高。冠。褒。服。來。叩。門。登。堂。畫。字。口。不。言。愛。才。異。域。且。同。志。豈。有。文。譽。雞。林。傳。異。書。海。舶。有。時。出。不。似。大。航。留。偽。帙。開。成。石。刻。贈。殷。勤。要。使。薄。海。尊。經。術。興。來。落。筆。蛟。螭。翔。五。千。卷。室。崔。儵。藏。似。聞。比。歲。朝。天。客。猶。訪。當。年。問。字。堂。

孔林觀禮

甲寅歲輯古文尚書馬鄭注成企想前哲有執禮器西行之夢乙卯歲六月遂拜究

沂曹濟道之命展謁孔林得見公府所藏
宋元冠服及
御賜彝鼎良爲多幸

昔夢執禮器隨聖東山行。豈知奎婁宇。外補來建旌。升堂不覩丹書字。慤誠卻媿鍾離意。前朝袍笏舊留遺。昭代鼎彝新拜賜。草草三年政未成。再過

聖域心怍怍。微言欲絕後。生責手撰集。語酬神明。宋
據孔子集語簡略因別撰成書至
嘉慶丙子歲刊成寄聖公慶銘

題吳君文徵爲予畫江湖負米圖六幘

萬卷歸裝

嘉慶丁巳歲予丁母艱歸自涉上但攜故書數十簞時值湖河合流渺漫數百里大

風一日夜從舟相失子翼母柩在舟舟人
惶急禱祝子怒曰人以重貲獲濟我乃以
書遭神忌不畏請於帝耶應時風止而書
在他舟者竟沈濕或云聚書易散且致火
患此可壓勝矣

行李蕭然歸泛濟數十簾書而已矣。路人方笑使君
貧。河伯忽然疑慧。昔前舟風引覆水涓。後舟搖蕩不
可維。千金欲奪子羽。璧六丁不護瀧岡碑。一波未平
一波起。河湖合處深無底。大呼幾欲徇機輿。萬里長
風應聲止。歸來檢點空嗟吁。卷帙散亂文模糊。或言
藏書之家例遭劫。此物落水長無虞。君不見鬱林石

時苗犢廉吏脩然本無欲。人生者好盡爲累。萬卷歸
裝不知足。

巫門訪墓

吳將孫子武墓在吳縣見劉昭注郡國志

引皇覽元盧熊府志謂在永昌鎮至吳郡

志失載後人遂不知其處嘉慶庚申歲冬

予偕董文學國華家茂才延買舟訪墓至

巫門外地名雍倉得古冢有柏樹甚古土

人呼孫墩惜無碑識定之越七年乃建祠

虎丘東麓立碑瘞象云

吾家吳將高絕倫。功成不作霸國臣。春秋三傳佚名

姓大冢却在吳東門。吳人耕種少閒地。訪墓雍倉一
舟繫。鸞環惟見古柏存。徧覽平疇失碑記。傳家私印
不可磨。家藏孫子銅印方不闔閭冢側祠巍峩武成及寸文云孫武私印
王廟廢不舉。東南淫祀何其多。君不見烏喙之鄰施
閒謀。內嬖忽然消霸業。西施可惜入宮遲。不付將軍
教兵法。

青谿卜宅

予以丁巳歲歸南僑居金陵舊吳王府有
古松五株因建祠祀明功臣燕山忠愍侯
諱興祖侯故祀雞籠山功臣廟歲久傾圮
今粟主附祀曹王廟至是始申明有司建

立專祠

古松五株何代遺。後映鍾阜前。青谿迤東傳。是江總
宅。吳王苑近烟波迷。卅年作宦徒立壁。垂橐仍爲白
門客。戶多車轍似充隱。家近吳頭常泛宅。松濤聲起
萬壑喧。石骨疊作羣山根。清池觀儵竹籠鶴。風月滿
院看常新。主人再歸甘蠖伏。賁文得錢還潤屋。佳賓
時至與懸榻。俗客若來從看竹。碧玉水生新漲痕。黃
金花放陽春暄。校書更上三層閣。載酒仍過五畝園。

園在
祠右

禹穴探奇

歲庚申予主講浙東之戴山恭謁禹陵並

游吼山諸名勝考張晏注漢書稱禹陵上有孔穴則卽今陽明洞後人誤以廟爲陵明嘉靖間閩人鄭善夫妄指向西之隴爲立碣題識不經之甚予旣據太平寰宇記知窆石爲孫吳刻擬作記辨正之

我曾壯歲登龍門直過中年探禹穴中間作宦苦羈束日月眞如電光掣龍門壯哉比大文禹穴秀絕如詩人竭來謁廟有神助雨脚收盡開朝暎是日甚雨發岸忽晴陽明之洞臨絕壁正對香爐一峯碧游人不知孫皓碑誤向石船呼窆石今所傳窆石文字如天發神識碑據太平寰宇記考爲孫吳時刻會稽之刻久失真梅梁改易新撩焚時正廟閩人題

碣最誣罔青鳥之說遷古墳向平好游尋宿諾杖策更須窮五岳君不見虞巡那得至衡山我欲題名上南霍唐虞時南岳霍山在今安徽省尚書大傳諸書皆云然今以衡山當之太遠

延陵話舊

子與同里諸子交洪編修亮吉蹤跡尤密

嘗以詩贈予云偶讀開成大傳詩七年我亦長微之又云神仙共挂蓬萊籍風月間吟楊柳枝其後竟同入翰林比戊辰歲從山東假歸洪自戍所回里與諸同人多文讌之樂

青山莊廢花石移白雲渡近烟波迷素交重訪半爲

鬼黃壚一醉會如泥。生平畢竟懷知己。故土風光冷

無比。蔣公蔣侍御和寧三徑罷開筵。楊子楊大令倫元亭空故

址。魯靈光有老探花。趙翼論詩勘史逢人誇。仙姝夜

醉劉晨劉中贊種之宅。食譜朝尋朱亥今中丞朱方伯勳家。翰林

仙人狂欲絕。洪編修亮吉自把孫洪比。元白五雲同看。

御園花萬里。獨踏天山雪。近來所遇多後生。相逢

不識空知名。西州再過有餘慟。東山中歲難陶情。老

去頻思釣游處。晨星舊侶驚重遇。莊周莊刺會夢胡

蝶。回趙壹趙司馬懷玉漫嗟窮鳥賦。

湖樓詰經

阮中丞元既延予主講浙東復建詰經精

舍於孤山之北集諸生之高才者講學其

中屬王少寇初借予迭主授經之席精舍

前有第一樓當湖山勝處予以鄭氏集經

訓之大成許叔重存三代之古字議立主

祀之

第一樓頭撰經詰。正對湖山最佳處。中丞開閣思翹

材。招我來游浙西路。樓旁許鄭新建祠。壓倒白蘇空

賦詩。湖光欲入子雲室。山翠自擁江都帷。淵原更湖

朱公叔。先是朱文正提學浙中多識拔古學之士海內傳衣盡名宿。萬間

常芘士歡顏。五色不迷文過目。幾時華屋悲山邱。王

通王少寇祖近又下世示疾還歸休。中丞移節阮中丞旋改京職我隨

牒癸亥年赴山翠湖光空滿樓寄書碧洛青嵩去中
今撫衰病憐予北山住子近主堂前問字少人過自
檢圖書理殘蠹

題吳君文徵爲子畫海岱塞帷圖十幀

東緡訪古

漢平狄將軍朱鮪石室在金鄉城北有畫
象奇古予官涕上每歲防河曹單過此摩
挲故刻搨本藏之後爲黃流所漫舊迹都
湮矣嘉祥又有新出武氏祠畫象及肥城
郭巨石室皆與黃司馬易親至其地

扶溝侯墓漢石室畫象猶留古人迹黃丞好事導我

游武氏祠碑更新出我來行部攜桑經詢訪古跡驂
常停車前八騶豈足慕碑下七日難忘情篋中墨本
神明煥再來已值黃流漫千年邱隴道旁迷咫尺滄
桑眼中換君不見桓魋石椁誰與題南山雖錮無人
知昭陵發後蘭亭出翻作佳話千秋垂

南樓卻扇

兗郡南樓爲杜子美趨庭之地乾隆乙卯
歲之官明年爲族妹與吳孝廉齋成昏於
使署妹貧隨叔父流轉至都幾爲貴人筮
子擇才士許嫁焉大母愛其姿質收養之
如親出吳時方北試越五年入翰林

南樓雪霽月挂空。梅花翠羽熙春融。華堂屏開感婚夕。畫戟四照明燈紅。鳳皇樓峻遲回久。婿鄉合有神仙偶。不是相攸温嶠才。可憐幾似韓憑婦。我知季重殊常倫。早年下筆驚淵雲。催妝詩寫簪花格。織錦梭投綴玉文。匆匆又值春官試。太白樓前送征騎。將離花下別中閨。遠志書回仍下第。記取盧儲一日知。杏園春信未嫌遲。爭傳北闕凌雲賦。莫忘南樓卻扇時。

單父塞河

乾隆丙辰歲六月。河流漫溢。豐縣決口。單父河隄亦壞。予偕康廉使基田建議隄塞。築壩長數里。遏絕大溜。三日夜。功成。費銀

三萬兩。復立重隄。格隄單邑。河患自此不作。自經河決。未有遏止者。大府以下游江

南潰。決未及

上聞

康廉使記其事云。乾隆丙辰六月山

東單縣北岸黑龍潭。夜間猝遇大水。漫隄下注。決口二十六丈。外灘低河身三丈餘。水奔騰。直注濤聲雷轟。間數里外。時基田與亮沂孫觀察星衍。防河決口水溜。不能施工。乃從河灘水淺處。築月隄。長四里。餘盛夏。舊糶料用完。新糶未登。場乃伐近地柳枝。買民人麥。糶剛柔。相間用土。追壓從西首鋪進。收至東隄。三晝夜鋪竣。河水不得進。決口斷。流轉敗為功。

東南比歲黃流溢。疑有陰權蔽天日。豐工已見大隄開。單父懸流亦遘疾。黎明東望黑霧屯。倏忽破岸同崩淪。青疇已隨鮫室沒。赤子盡戴魚頭奔。東方廉使

王尊似。偕我行。河到河汜。直憑身。手障狂瀾。並少蘆。灰止淫水。芻茭未積。勞輸將。負薪擔土。同奔忙。填淤淺處。到深水。擁遏兩岸。臨中央。地軸如山。萬夫下。虹梁欲叱。龍鼉駕滄海。爲田只片時。黃金與土真同價。眼看轉敗還成功。古來趨事須和衷。君不見帑金虛糜七百萬。隄塞不就。嗟曹工。曹工合龍卒不成明年河南決溢乃得築隄時謂打乾口

泰山祈雪

東省無冬雪。明年多蝗蝻之患。予權臬時。以丁巳歲二月。禱雪泰山。及罷任回兗州。道經山麓。時已三月一夕。得大雪。疑有神

應云

我從歷下歸東魯。龜山蔽天手無斧。一冬無雪蝗孽生。記禱靈山謁神宇。泰山初登高不危。如人大度無町畦。山長谷迴地勢闊。雖有邱壑非險巇。漸轉還如蟻行磨。一石千人萬人坐。石坡誰刻釋氏文。欲使谿流誦聲過。一重一掩路折紆。入峽似入壺。公壺豁然開朗見天日。疑出人世遊仙都。石梁臨潭倚絕壁。瀑布飛來徑途絕。回頭却認琴筑聲。空谷滴泉鳴石穴。萬松對面隔一山。蛟龍動影雲霄間。南天門高高幾許。輿夫蟹行馬蹄苦。金泥玉檢竟沉埋。沒字碑橫最高處。再來山下空拳帷。雪花一夕凌春來。隔年祈澤

若有應信我人忌蒙神知看山憶舊匆匆去回望齊山在烟霧莫教潔白太分明半壓黃塵半遮樹

曹南樹碑

歲丙辰行河至曹縣訪得湯陵在景山卽皇覽稱漢御史卻長卿所見濟陰湯冢也後世誤在榮河旣移咨山西謝方伯啟昆辨正其事因議貲修廟越八年復以參藩莅東而究沂魏觀察成憲已爲置祭田修整祠宇予爲立碑又嘗親訪魚臺伏羲陵今亦誤祀陳州惜未請之于朝釐正祀典

沛陰薄縣殷王畿河流橫隔故迹迷漢臣行河得湯冢榮河之祀真傳疑我來芟舍曹南憩徧覽川原求古記微鄉微子冢難識已氏伊尹墓荒景山陵亦如平地手題貞石爲勒名恍有夢寐通神明魏君後至幸同志爲置祀產修軒楹君不見伏羲陵在鳧山麓宋刻元碑尙堪讀豈知今亦祀陳州祀典誰釐望當軸

鄒平立祀

水經注載伏生墓在東朝陽卽今鄒平之冢子權臬東省以伏生傳書在秦漢絕續之際議爲建立博士訪其後裔宗譜申上之竟荷俞旨有漢一代之儒始有列于

世家者惜為鄭康成請立竟格于部議云

伏生之書藏屋壁。晁錯寫時幾朽折。當時或使女授

簡。豈有經文口傳說。承家理湛俱通經。千秋冢墓留

鄒平。聖門子賤本華胄。見顏氏家訓東州不闕馳賢聲。元

明耳食未聞道。經義猶循安石造。南宋諸儒注經多用王安石新義

濂洛關閩博士多。漢儒未食傳經報。我來權臬始發

端。撫教後裔屬長官。竟申政府荷俞旨得有世

祿。傳淵原十年更撰尚書疏。先哲還從夢中遇。尚嫌

科斗變。今文敢後先。秦求訓詁子撰尚書今古文注疏多用漢魏已前說

礪。阜吹沙漸欲平。遙瞻高密不勝情。禮官不問有培

柳。東省近立有子博士其譜載有培柳有培梅為漢時有氏後裔並無出典容臺竟未駁斥外臺

誰奏鄭康成。

濮陽芟舍

嘉慶癸亥歲嘉平月再至東省奉檄補賑

曹南一路涉歷冰雪兩月魏觀察成憲贈

詩云義陵湯冢考原真行部重來鴈澤春

別有蒼生迎馬首搨碑人與賣書人蓋戲

之也

我從涕上至濮陽。跋涉原隰凌冰霜。鳩形鵠面繞車

轍。升斗未徧無餘糧。頻年買穀無長計。東省穀貴常平倉久未買

補賑多折色不敷穀價倉困空虛折錢幣。可憐滿把不充飢。誰

省灾黎更憔悴。我從補賑聊從寬。明知多弊覈實難

中臺未絕胥吏費外省祇增供張繁君不見汲長孺
河內發粟不取旨又不見劉思立請廢賑簿停詔使
魏君作札還相狎譏我沿途購書帖虛名或恐誤蒼
生善政誰知困成法

臨河訪古

博平有鳴犢河故道地與齊趙分界卽孔子臨河不渡處也自河漫濟瀆入海通流至此予以甲子歲春之安德任經過其地有句云河水又通鳴犢口春江不作狎鷗人時兼攝登萊道又有句云三篋古書隨後乘一雙金印在前驅

狄水揚沙壞舟楫臨河昔畏波濤急千年水徒鳴犢
湮幾時又見奔流入博平境小齊趙分行至此思
古人宣尼憂患尙不免宜我坐席無時溫頻年南北
東西走捧檄裁沾祿升斗勞薪愁過漢金隄泛梗撻
輸齊土偶移文慚媿出山阿北上租船又納禾未信
澄清由攬轡可能撫字緩催科

衛水浮碑

旣官安德之明年有告衛河第三屯出有古碑往視爲北魏營州刺史高貞碑中有載卡字不可識予審卡卽弄字因爲移置州學高氏族葬在此先出有高湛高植兩

碑湛碑楷法工致藏安德封氏

高家兄弟椒房戚。大冢難防水衝擊。馮夷知我好古碑。夜半浮出長河湄。岬岬見此驚告我。往視如獲瑤瓊瑰。碑中奇字頗難識。賴我能通六書說。文初變楷帶分隸。石幸埋沙未剝缺。千夫邪許移入城。橫舍立處高崢嶸。流傳墨本徧寰宇。考史共記高貞名。八年濟北燕南住。善政應慙頌來暮。後人或比峴山碑。憶我摩娑不能去。

潞河訪廟

子每歲轉運北上泊舟潞河之側通州元已前無城自予十五世從祖故明功臣燕

山忠愍侯興祖始築城鎮守舊有勅建廟

祀配享常開平王後改關廟方志載有正

統時王植碑記今不可見矣

我遊河朔先訪古。每歲維舟潞河滸。河西元代未築城。燕山征虜於此停。侯為常開平王副征虜大將軍金湯保障民載

德。廟食會配常開平。可憐故阯難重識。斗母官還委

榛棘。方志云廟即斗母宮舊城尋徧東南隅。不見殘碑署王植

金陵亦祀明功臣。惟侯肖像猶生存。明祖建功臣廟于雞鳴山塑功

臣像時惟公生存因虛其位雞鳴山基亦荒落。粟主寄食曹王彬。

今功臣木主寄曹王廟象不可見我營家廟溯初祖。後倚鍾山右王

府。五松祠祀忠愍侯在舊吳王府申詳有司咨題他時或仗子孫賢。廢祀通

州再興舉。

題吳君文徵爲予畫歷下旬宣圖四幀

明湖餞別

嘉慶丁卯歲夏六月權藩至歷下與石廉
使韞玉交替借周通守世錦周大令馬蔣
少府因培餞別於惠泉寺寺臨大明湖在
歷下亭之東山光水色殊爲勝境各爲詩

紀事云

歷城滿地伏沛泉。大明湖在城中間。鵲華照影秀欲
絕。蘆蒲拂浪鳴。脩然行廚草草非難致。半日開筵坐
蕭寺。地勝看山憶故山。心清省事如無事。曼卿天人

謫世間。判筆不抵民情好。藩條一攬等。失馬蓬島再
入。同登仙。周郎清興蔣生筆。且共尊前會真率。陳君
且莫問。三空京兆只宜留五日。

龍洞探奇

去歷城四十里有龍洞石壁奇絕或如累
甌或類削成方秋霜林紅翠若錦屏徑窅
深泉流作琴筑聲又十里餘爲佛峪多六
朝刻象古洞有隨唐人墨蹟題字予凡三
至其處所見關洛江浙名山無過之者

我游龍洞驚奇絕。畫不成圖口難說。名山路徧孰比。
方仙境入來疑隔別。初循仄徑如桃源。石上濺濺鳴

清泉前山引勝後山阻。千回百折依螺旋。是時十月
楓林赤。花錦屏。開照空碧。側厓銜日半。規紅絕頂留。
雲一層白。萬山斧鑿痕。從橫一石壁。立由天成。或如
削。方或重。巖岌欲墜。風雷聲綠山。有穴入。復出。倏
見飛仙上。空闊遙看老鵲避峯巔。誰置浮屠臨木末。
前頭更有佛峪深。隨唐題字重搜尋。橫空結屋玉京
闕。沿路飛瀑瑤琴音。生平苦戀山水窟。三宿難留意
超忽。茲游猶恨未懸車。我欲移山向吳越。

安德行河

漢屯氏河即今衛水其支流北通王莽河
經德州至海豐鹽山入海歲久淤塞臨清

上游漳流漲發汶水低弱輒閉閘以防挾
沙淤運糧艘不得出口謂之捫口自予建
議重浚恩縣四女祠支河洩流入海捫口
之患遂絕直省靜海一帶隄岸亦不至決
溢時以權藩巡工安德

禹河故迹屯氏存。支流迤東經鬲津。燕齊錯壤水利
廢。近海畧見溝通痕。老黃河身今占種。民力難資官
屢空。四女祠前舊道湮。臨清閘外新沙擁。衛流高處
汶流低。濁漳合之五斗泥。挑沙放閘豈長策。糧船不
出丁。嗟咨我來議浚申。前詔故大學士劉文正
會直隸東省洩水先從下游導。萬夫合作不經旬。千
挑浚支河

艘遄行奏成效。前年度地雪盈尺。今年巡工雨沾幘。
不辭櫛沐至再三。況復旬宣有專責。君不見趙王河。
我曾議浚謀孔多。消疏濟運究何日。一雨沛上積潦
傷田禾。沛上趙王河久涇每夏雨潦淹浸
田禾且恃以濟運屢議浚不果

賓興得士

丁卯科鄉試得士有文登畢君以田經學
無雙畢故與予舊交負重名久困場屋姚
殿撰文田以對策賞拔之子時權藩主鹿
鳴之宴以為佳話

大羅天上几筵張。萬條紅燭相輝光。龍迎雷擁聽名
姓。蕊珠仙籍鋪中央。一聲堂上都傾耳。莫省裴頭與

黃尾孤寒平地竟。飛騰聞呼畢卓真名士。我希開閣
平津風稷下。髦士來追從。春花雖多秋實少。百樹期
收一穫功。元之拾才有神識。倒海求珠山剖壁。目迷
不失李華文。心賞獨有劉蕡策。明朝桂苑歌霓裳。星
攢多士雲龍翔。座中方伯喜欲狂。吾道東矣生升堂。
得兮中義仲
省文所作已白紀伯
省文鐘次蘇文忠石鼓

歌韻作詩紀之

陶唐推律正建丑。磬擊后夔瑟瞽叟。見呂氏春秋笙鏞間

作和人神。金石諧聲感飛走。五鐘見尚書大傳難觀失先

型。二典猶傳在人口。周家考工重稽古。羲氏世官宜

有後。省文兮中義仲同。銘字庚庚得三九。銘云兮中
作大莢鍾

其用追孝于皇考已白用侃喜前
文人子孫永寶用亭几廿七字
前追史籀失斯喜

後壓邈隸輕顏柳推求銑舞合古度夾鐘辰應卯值
斗購之不惜金滿籩餉我還同印懸肘平生耆古比

昌歎眞贗從誰別苗莠或疑已白卽紀侯大去國心

存孝友春秋繁露玉英第四齊將復讎紀侯自知力不加而志距之故謂其弟曰我宗廟之主不

可以不死也汝以鄭往服罪於齊請以立五廟使我

先君歲時有所依歸率一國之衆以衛九世之主襄

公逐之不去求之弗予上下全宗季弟遣微子舒難

同心而俱死之故謂之大去賢臣無闕穀金壺注誠慎駑馬鐵畫遺文見科蚪文

人追孝用侃喜子孫永寶祈胡考世衰宗器詎長保

鄭國龜嘗晉癸熈當時神物避兵燹出土奇珍奪尊
卣邨夫野老不識丁熟視離婁等矇瞶強尋頡字作

皇辟偽造禹迹迷岫嶺我營居室先宗祧追遠猶慚

德歸厚千年至寶人鬼歌再拜陳辭嗣孫某銅山金

穴豈足恃過眼烟雲化烏有不須什襲飾金玉亟與

特懸求栲杵楊雄博物習雕蟲宣聖考文窮畫狗見說

文邇來解組作寓公已免漂梗思土偶抱之肥遁老

空谷藉校古書期皓首露盤金狄本沒字僮父遇之

從折培尸臣官邑張敞釋郡國鼎彝浚長取光浮紅

翠欲成虹質帶泥沙先刮垢升堂便作分器陳傳世

方期挈瓶守施諸猛虜震趙越細認追蠹未消朽吾

翁瞿鑠近九旬進爵摩挲勺眉壽

張君開福從海濱得吳天紀甄贈子卽次來詩

韻荅之

聽雨愁風臥病時。經旬不出董生帷。逢君楚尾傾程蓋。餉我吳輒勝蜀師。亦輒名或云工人蜀氏兩世交看陳紀在。子與君父燕昌相識百城書守晏嬰遺。六朝古迹期同訪。一路春花趁好姿。

第 35722 号

平成 3.11.22

聖和學
園短大
図書館

928

7

7

清
年
3月28日
大清
國
圖書館

趙

